

## Vunn Veeschel unn Mensche

Omm letzde Sunndaach hott mich moin ahle Kummbeer Hubert oogerufe, der vunn weit eweck doo owwe im Norde, unn hott mich gleich gefroochd: Du, Hannes, hast du Kraniche gesehen? Über uns hier oben fliegen die ja nicht, aber ich hab' im Fernsehen gesehen, über Hessen fliegen sie in großen Schwärmen.

Dess stimmt, Hubert, habb isch ze Antwort gewwe, erst gestern habb isch enn grüße Trupp geseh, noochdem isch die de erst geheerd habb.

Gewiss ein schönes Schauspiel am Himmel, seet de Hubert, schade, dass ich sie nicht hören und sehen kann.

Donn gebb isch dir emol enn Tipp, saach isch, donn fährtde nächstjohr nooch Diepholz in de Näh vumm Dümmersee unn in die Moorgebiete ringserum, doo konnsde vill Kraniche fliehe unn beim Futtern uff de leere Maisäcker stieh seh.

Hannes, emm Hubert soi Stimm war e bissi traurisch, meine Augen – auch dahin fahr ich nicht mehr. Fährst du noch so weit?

Joo, habb isch gesaad, mir warn dissjohr widder dort unn es warn ebbes mieh wie 40.000 Kraniche doo unn ...

De Hubert hott mich unnerbroche: Wie, 40.000 Kraniche?

Ja, saach isch, unn e paar hundert vunn dene hawwe merr geseh. Isch schick derr emol e drei, vier Fotos per Mail.

Oh ja, seet de Hubert, die schau ich mir an. Aber sag' mal, wo fliegen die Kraniche denn hin, nach Afrika?

Isch habb ins Telefon genickt. Ja, Hubert, nooch Nordafrika. Awwer die meisde bleiwe in Europa, entweder fliehn se nooch Spanien in die Extremadura odder sie bleiwe gleich in Südfronkreich, unn e paar dausend bleiwe mittlerweile aach hier bei uns, Wie ist das mit den Kranichen?, frächt de Hubert weider, woher wissen diese großen Vögel, wo sie überwintern können?

Ja, saach ich, die junge Kraniche fliehn mett ihrne Eltern, oomol unn donn wisse se, wo se im nächsde Johr hiemisse. Awwer weil die Veeschel aach immer widder neie Gebiete uffsuche, hier bei uns zum Futtern vor de groß Reis odder aach im Süde ferrs lwwerwintern, wie dess gieht, waaß merr noch nitt.

Bei den Störchen ist es ja anders, moont doo de Hubert, da fliegen die Jungstörche bereits vier Wochen vor den Altvögeln los und finden ganz allein ihr Winterquartier.

Isch habb ins Telefon gegrinst. Weil die hawwe dess schunn im Ei in ihr Herrn gebrennd kriecht, die misse sichs nitt bei de Altveeschel abgugge.

De Hubert hott e Paus gemacht unn isch habb schunn gedenkt, dess Gespräch iss kabuttgonge, doo seeder: Meinst du, so etwas gibt es auch bei den Menschen?

Isch war baff. Bei de Mensche?

Ja, bei den Menschen, seet de Hubert. Weißt du, ich träume ja viel und ich träume immer wieder von einer Landschaft mit Burgen aus Sandstein und Hütten aus Lehm, mit sonderbar gekleideten Menschen in kleinen Gassen – und ich denke manchmal, vielleicht sind auch mir die Erinnerungen an irgend eine frühe Zeit ins Gehirn gebrannt worden, noch vor der Geburt. Was meinst du, Hannes?

Isch saach: Indressond, awwer doodriwwer misse merr e onnermol redde, weil ess hott geklingeld und isch muss onn die Hausdier. Machs gut, mein Freund.

Eiern Honnes